

INUIT ATAQATIGIIT

INATSISARTUNI



Nuuk 1. juni 2016

Matumuuna Inatsisartut suleriaasianni §37 naapertorlugu Naalakkersuisunut apeqqutit akisassanngortippakka.

Apeqqutit:

- 1. Namminersorneq pillugu Inatsit tunngavigalugu anguniagaava akisussaaffiit naalagaaffimmiittut nunatsinnut angerlaannissaat?**
- 2. Nunatta aatsitassanut oqartussaaffik angerlaakkamiuk siunertaasimava aatsitassarsiorneq sumiluunniit aallartissappat naalagaaffeqatitta akisussaaffinnik tigusaqarnissaat? Taamaassimappat aalajangernermut tunngavik ilanngunneqassasoq kissaatigaara.**
- 3. Naalakkersuisunut sooq taamak isumaqatiginartigiva Kuannersuarni aatsitassarsiornissaq aallartipallassasoq, utaqqinagu nunatta nunanut allanut oqartussaaffiup tigunissaa?**
- 4. Naalakkersuisut tigusaqarsimappat Kuannersuarni aatsitassarsiorniartut qinnuteqaataannik?**
- 5. Naalakkersuisut tigusaqarsimappat peqqissutsimut avatangiisinut uumassusilinnullu kingunerisassat pillugit nalunaarusiamik?**
- 6. Taasititsisoqanngikkaluarpalluunniit Narsami innuttaasut amerlanerussuteqartut Kuannersuarni aatsitassarsiornissaq itigartissagaluarpassulluunniit/akerlerissagaluarpassuk Naalakkersuisut aatsitassarsiornissamut akuersiniarpat?**
- 7. Nallit tasiat Narsap qanittuani aatsitassat sinnikuunik eqqaaviusussaq Narsami imeqarfíup Napasup Kuuata attaveqarfigineraa misissorneqarsimava?**
- 8. Kuannersuarni pilersaarusiortut malillugit Uran qanoq annertutigisoq piiarneqassava?**
- 9. Uran saniatigooralugu piiaraanni imaluunniit pingaarnertut piiaraanni uran piiarneqartup annertussusaa assigiinngissuteqassava?**
- 10. Kuannersuarni aatsitassarsiortoqassappat Narsap illoqarfittut ineriartorfíssaa (tassalu Kuannersup tungaanut) ajornarsissava?**
- 11. Kuannersuaq ammassappat tunisassiornerup aallartinneraniit ukiut siullit pingasut iluanaarutitigut nunatta karsianut isertitassat qanoq annertutigisut naatsorsuutigineqarpat?**
- 12. Inuit Narsamiittut innarlerneqannginnissaat siunertaralugu Naalakkersuisut immikkut ittumik piumasaqaateqarsimappat innarliinnginnissap sakkortusisamik sukateriffingeqarnissaanik? Taamaassimappat aalajangiinermut tunngavigisat ilanngunneqarnissaat kissaatigaara.**

**13.Uran-mik imaluunniit aatsitassat qinngorernik ulorianartumik akullit pillugit
aatsitassarsiornermi ajutoortoqassagaluarpat immikkut illuinnartumik
sillimaniarnikkut aamma aningaasalersuinissaq eqqarsaatigalugu
piumasqaateqarnissaq naalakkersuisuniit piumasarineqarsimava?
Aalajangernnermut tunngavigisaq kissaatigaara.**
(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Apeqquteqaatit nassiussakka pisariaqarluinnartut naalakkersuisut §37-ikkut apeqquteqaatit tunngavigalugit akineqarsinnaajumaartut oqaatiginikuummassuk apeqqutit ingerlatippakka.

Aatsitassarsorfissaq pillugu pingaaruteqaqaaq paasissutissat ammasumik siammerneqarsimanissaat. Paasitinneqarnerput malillugu ukua apeqqutit akissutissaat matoqqasuuusimanngillat, taamaammallu apeqqutiginissaat kissaatigisatsituut ingerlateqquneqarsimallutik. Naatsorsuutigaara Naalakkersuisut suliassaq pimoorussillutik ingerlassimassagaat, apeqqutilu akineqarnissaat qilanaaraara.

Kissaatigaara naalakkersuisut ullut qulit qaangiutsinnagit apeqqutit akereersimassagaat.